

Gvangjsih Minzcuz Bau

广西民族报 ganhhau: CN45-0036 B.2020 Nd.7 Ng.15 liggaueq gengceij nienz ndwenngux ngeihngux

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei

Biengauj okbanj: Gvangjsih
Minzcuz Bause

Geizsoq: Gungh daih 3432 geiz

Gyoengq Canghhoiz Canghraiz Youz《Faenzhag Minzcuz》 Sonlien De Ok Baenz Bonj Faenzcieng Sawcuengh

Geij ngoenz gonq, Gvangjsih Sam Nyied Sam Cazcise ok《Sam Nyied Sam》(Banj Sawcuengh) daihsam geiz; geiz neix cienmonz fat doenghgij faenzcieng gyoengq canghhoiz canghraiz youz《Faenzhag Minzcuz》sonlien de hoiz baenz roxaeuz raiz baenz.

Geiz cienmonz neix fat doenghgij faenzcieng youz《Faenzhag Minzcuz》doihaui roxaeuz genjok, youz lauxhangz hoiz baenz Sawcuengh. Doenghgij faenzcieng doihaui de dwg faenzcieng ndei youz 18 boux canghraiz, canghsei raiz baenz, baudaengz Moz Yenz, Liuz Ging-bangh, Siz Yizningz, Ye Yenzbinh, Cin

Yaginh daengj. Doenghgij faenzcieng genjok de dwg faenzcieng ndei youz 9 boux canghraiz, canghsei Guengjsae raeuz raiz baenz, baudaengz Siz Caizfuh, Yaz Hanzcangh, Fungz Yi, Vangz Beivaz, Vangz Bungz daengj. Cawzok doenghgij faenzcieng neix mbouj suenq, lij miz mbangjdi faenzcieng youz canghraiz Sawcuengh gag raiz baenz. Geiz cienmonz neix ok mbaw boeb guh 16 lai hung di, gungh 176 yieb, gungh fat 30 bien faenzcieng, ndawde miz 4 bien sawcuenh, 13 bien sanjvwnz, 13 bien sei.

Geiz cienmonz neix bouxhoiz caeuq

bouxraiz Sawcuengh dingzlai dwg boux-hag caeuq bouxson'gyauq ndaw song aen ban neix: "Bi 2018 Lujsin Vwnz-yozyen《Faenzhag Minzcuz》aenban sonlien canghhoiz canghraiz" caeuq "bi 2019《Faenzhag Minzcuz》aenban sonlien canghhoiz canghraiz.

Ok geiz cienmonz neix, dwg Gvangjsih Sam Nyied Sam Cazcise daih'it baez caeuq geizgan wng doxgap okbanj. Ciuq cam rox, aeu Sawcuengh ok geiz geizgan cienmonz ndeu, langhbaij gij hongbaenz faenzhag ciuhneix Cung-guek, youq gizdieg faenzhag Sawcuengh, neix dwg mbat daih'it. (Veiz Yinyiz)

SIUSIK DINJ

● 7 nyied 9 hauh lajbyonghngoenz, Lozyez Yen aeu densi denva hai aen hoih heuh vunzlai cauhguh aen yienh yienghndei daengx gih minzcuz doxgiet baenaj. Baez hoih neix dinghndei daengz 2022 nienz cauh baenz aen yienh yienghndei daengx gih minzcuz doxgiet baenaj.

(Luz Mungdauz)

● Youq mwh guh canjnieb banggunz bungzdaengz yungyiemj, Yungzsuij Myauzcuz Sw-ciyen netsaed guh ndei hong fuengzre, bauj hawj canjnieb banggunz laeb-daeb onjndei hwngfat, gyalai souhauej. Bineix, daengx yienh miz 27628 ranzgungzhoj hwngfat daegsaek canjnieb, neix suenq miz 95.6% ranzgungzhoj cungj miz canjnieb banggunz.

(Liu Swjyenh)

● 7 nyied 8 hauh banhaemh, Bwzhaij Si youq aen cunh yienghndei daengx guek minzcuz doxgiet baenaj—Yinzhaij Gih Bingzyangz Cin Dughsanh Cuh banh ciengz vanjei ndeu, heuhguh "Bwzhaij Si minzcuz doxgiet baenaj senhconz gyauyuz vwnzyi comz yienj caeuq cauhguh minzcuz doxgiet baenaj 'roek haeuj' ndawde haeuj lajmbanj".

(Cuh Cwzhau)

● Geij ngoenz gonq, Bingzgvei Gih aen' gvanj baijok gwngwn daenj-daenj Dujyauz(nga Yauzcuz ndeu) ndaej yungh, mbouj sou cien hai hawj vunz ndawbiengz yawj. Aen' gvanj neix youq Sahdenz Cin Swhdungh Cuh—dieg Dujyauz comzyouq, ciemq dieg 300 bingzfanghmij, ndaw gvanj baijok 150 lai gienh doenghyienh gwndaenj vunz Dujyauz, baudaengz doxgaiq gwnz gyaeuj, ndangdaenj hung, dajsiuq, aenmuh daengj.

(Lij Cuivaz)

Sanhgyangh: Hai Aenban "Banhaemh Sonlien Vahdung Vahgun Dohhoiz Okrengz Coengh Duetgungz"

7 nyied 9 hauh, Sanhgyangh Duncuz Swciyen Yenveij Dungcanbu daengz Liengzgouj Yangh Nanzcai Cunh gawj-hengz aen yizsiz ndeu, hai aenban "banhaemh sonlien Vahdung Vahgun doxhoiz okrengz coengh duetgungz", caemhcai guh le geiz sonlien daih'it. Aen cunh neix bouxsuhgi daeuz, boux guhhong banggunz, gyoengq ganbu ndaw cunh, boux lienzhaeh banggunz, boux maij vwnzyi, vunzmbanj dangdieg daengj camgya.

(Vuz Veiliuz)



Hozciz Si Bineix Buenq Bi Gonq Guhbaenz Hong Minzcuz Cunghgyau Lwenqda Lai

Bineix buenq bi gonq, Hozciz Si guhbaenz hong minzcuz cunghgyau lwenqda lai. Daihdingzlai raen youq sam yiengh hong lajneix.

Haenqrengz youq dieg siujsaq minzcuz comzyouq gaijndei gij sezsih giekdaej, okrengz coengh yienh gungzhoj doinyoengx hong duetgungz ndaej hingzdingh. Bineix daengx si ceng' aeu ndaej 11769 fanh cienzngaenz hwngfat siujsaq minzcuz, beij bi' gvaq caemhseiz gyalai 5.4%, neix ndaej gya rengz hwnqguh gij sezsih giekdaej ndaw yienh

gungzhoj.

Haeujlaeg mbeguh gij hozdung cauhguh minzcuz doxgiet baenaj, hawj minzcuz lai doxgiet aenbiengz lai huzndei. Gaenxmaenx mbeguh gij hozdung ndwen senhconz minzcuz doxgiet. Guhsat hong doiok gij danhvei yienghndei daihbet buek daengx guek minzcuz doxgiet baenaj. An mingzcoh hawj 27 aen danhvei yienghndei cauhguh minzcuz doxgiet baenaj. Doiok 12 aen mbanj siujsaq minzcuz dangguh giz sawqguh saenqhwngh mbanj minzcuz.

Gyalai gij dieggoek son' gyauq minzcuz doxgiet baenaj. Guhsat hong bauq 4 yiengh ndangdaenj camgya gih raeuz doxdax cauhguh ndangdaenj minzcuz.

Youq mwh fuengzgaemh binghra, netsaed guhndei hong cunghgyau, gaenxmaenx vixyinx gyoengqvunz cunghgyau caeuq aendangj cwngfuj caezhoz, haenqrengz dingjhoenx binghra. Ciuq vunz gyoepsuenq, gyoengq vunz cunghgyau gag ok cienz 32.84 fanh maenz, ok doenghyienh ywbingh dij 7.22 fanh maenz. (Veiz Dunghcwnz)